

KORUKABAS

Kana ule duy priyatelkes, momws. But pogodinena pes. Kana, khidis-ayle i reshinde te achhyon etwrws. Duy phralen mangel te len. Kiya, ma nanay kasmeti te len duy phralen. Ekh dzheni liyas o thagareskoro rakles, ekh dzheni liyas o svinares. O svinareskeri rakli restyas chhaya, a o thagareskiri rakli restyas chhaves. Obache, samo shoro si. Tyalo nanay les – korubas. Thovde les ande penerkyate, kakto se e rodil, taka. Thovde les ko danos ko tavani. Kara sa but vremena. Navershinela osemnayset godini o chhavo.

Thovena te vecherinen ekh rat. Sar vecherinenena, shunena:

– Mamo! Dade! Hulyaven man meya te vecherinav!

I day chudinela pes, savo si davka glasos, kate obadinela pes. O pwrvo diyes swshto. O vtoro swshto, o treto swshto. Togas dinyas pes godi i ake day.

– A be, zhar hari! Tva sa predi osemnayset godini. Bendyomas ekh shoro. Thovdyomas les ko danos, ko panerka. Te dzhanes, chi ov obadinela pes!

Ukisto o das lakoro, ukeas i panerkasa. Chalela kokalos. Ha tal ko kembeti.

– Soske vikinesa man?

– Mi, ake me siyom osemnayset godini! Man na pokanindyas nikon te vecherinav! Tumen pamet isi li tumen ili nanay! Tume biskerde man!

– Vakerasa tuke, chi nasien manush!

– Dobre! Akana ka dav tut ekh zadacha. – pe dayake phenela – Tu na obshtuindyan li ekhe priyatelkasa? Obeshtaindyan li, chi ka len duye phralen? Te nashti te len duye phralen, e chhaven ka khiden. Ka khiden, ka achhyon svatove.

– Da! Verno, chi horatindyam! Ta sar te zhav te vakerav te las i chhaya, kay sien samo shoro?

– Ne mozhe! Ka zhas!

Lel pes i dai, geli ko thagar. Phuchlas o thagares:

-Tikya i tiakya i buki, isi amen ugovorka te romnyasa, ako nashti te achhyovas etwrws, amare hurden te khidas.

– Dobre! Mangava te dikhav te chhaves togava!

– Ka dikhes les!